

Мүгедек балаларын үйінде оқытатын және тәрбиелейтін отбасыларына материалдық көмек төлеу туралы

Күшін жойған

Атырау облыстық Мәслихаты шешімі екінші сайланған XVI сессиясының 2002 жылғы 6 ақпандағы № 190-II. Атырау облысының әділет басқармасында 2002 жылғы 2 сәуірде N 876 тіркелді. Күші жойылды - Облыстық Мәслихаттың 2011 жылғы 29 шілдедегі № 448-II шешімімен.

Ескерту. Күші жойылды - Облыстық Мәслихаттың 2011.07.29 № 448-II шешімімен.

Қазақстан Республикасының 1991 жылғы 21 маусымдағы "Қазақстан Республикасында мүгедектердің әлеуметтік қорғалуы туралы" Заңын орындау мақсатында облыс әкімияты қаулы етеді:

1. Мүгедек балаларды үйінде оқытатын және тәрбиелейтін отбасыларына әлеуметтік қолдау көрсету мақсатында 2,4 айлық есептік көрсеткіш көлемінде материалдық көмек төленсін.

2. Мүгедек балаларды үйінде оқытатын және тәрбиелейтін отбасыларына материалдық көмек төлеу Ережесі бекітілсін (жалғанды.)

3. Облыс әкімі мүгедек балаларын үйінде оқытатын және тәрбиелейтін отбасыларына төленетін материалдық көмектің уақтылы тағайындалып төленуін қамтамасыз етсін.

Облыстық Мәслихаттың XVI
сессиясының төрағасы

Облыстық Мәслихаттың хатшысы

Облыстық Мәслихаттың
2002 жылғы 6 ақпандағы
XVI сессиясының № 190-II
шешіміне қосымша

Мүгедек балаларын үйінде оқытатын және тәрбиелейтін отбасыларына материалдық көмек төлеу Ережесі

1. Осы Ереже "Қазақстан Республикасында мүгедектердің әлеуметтік қорғалуы туралы" Қазақстан Республикасының 1991 жылғы 21 маусымдағы Заңы (енгізілген өзгерістер мен толықтырулармен) негізінде мүгедек балаларын үйінде тәрбиелейтін және оқытатын отбасыларына материалдық көмекті (бұдан әрі - материалдық көмек.) тағайындау және төлеу тәртібін белгілейді.

2. Материалдық көмек үш жастан он алты жасқа дейінгі мүгедек балаларын (бұдан әрі - мүгедек балалар) арнаулы мекемелер мен оқу орындарында тәрбиелеуге, оқытуға мүмкіндіктері болмаған жағдайда оларды үйде тәрбиелеп, оқытатын отбасыларына материалдық қолдау көрсету мақсатында төленеді.

3. Мүгедек балаларын үйінде тәрбиелеп, оқытатын отбасыларына берілетін материалдық көмек облыстық білім департаменті жанындағы ведомствоаралық психологиялық-медициналық-педагогикалық консультациялық комиссияның (ПМПКК-ның) мүгедек баланы үйде тәрбиелеу мен оқытудың қажеттігі туралы шығарған қорытындысы негізінде тағайындалады. Мүгедек баланың үйде тәрбиеленіп, оқытылуының қажеттігін қайталап анықтау мерзімі осы комиссиямен белгіленеді.

Материалдық көмекті тағайындау

4. Материалдық көмек үйде тәрбиеленетін және оқитын мүгедек балалардың ата-аналарының бірінің не олардың орнындағы қамқорлыққа алған адамның арызы бойынша арыз берілген айдан бастап мүгедек баланың үйде тәрбиеленуі және оқытылуы қажет делінген ПМПКК-ның қорытындысы негізінде, бірақ баланың мүгедек деп танылған мерзімінен аспайтын кезеңге тағайындалады.

5. Материалдық көмекті тағайындауды арыз берушінің тұрғылықты жеріндегі еңбек, жұмыспен қамту және халықты әлеуметтік қорғау органдары іске асырады.

6. Материалдық көмекті тағайындау үшін арызға төмендегі құжаттар тіркелуі тиісті:

өтініш беруші мен мүгедек баланың тұрағы (мекен-жайы) туралы анықтама;
мүгедек баланың туу туралы куәлігінің көшірмесі (мүгедек балаларды қамқорлаушы ретінде өтініш беруші, қамқорлаушы санатын белгілеген органның шешімінің көшірмесін тапсырады);

облыстық білім департаменті жанындағы ведомствоаралық психологиялық-медициналық-педагогикалық консультациялық комиссияның мүгедек баланың үйде тәрбиеленуі (3-6 жастағыларға) немесе оқытылуы (7-16 жасқа дейінгі) қажеттігін дәлелдейтін анықтама;

мүгедектігі туралы медициналық-әлеуметтік сараптау комиссиясының (бұдан әрі - МӘСК) анықтамасынан көшірме.

7. Еңбек, жұмыспен қамту және халықты әлеуметтік қорғау органдары материалдық көмек тағайындауға тиісті құжаттармен түскен арызды, қабылданған күнінен бастап бес күн мерзім ішінде қарап, материалдық көмекті тағайындау не одан бас тарту туралы шешім қабылдайды. Материалдық көмек тағайындалмайтын жағдайда, оның себебін көрсеткен шешімді қосып

қабылданған құжаттарды кері қайтарады.

8. Тағайындалған материалдық көмекті төлеу мүгедек бабалардың ПМПКК анықтаған қайталап өту мерзіміне дейін жүргізіледі. Егер ПМПКК мүгедек баланы үйде тәрбиелеуді (3-6 жастағылар үшін) немесе оқытуды (7-16 жасқа дейінгі) одан әрі қажет деп тапса, жәрдемақы ПМПКК берген анықтама бойынша жәрдемақы тоқтатылған айдан қайта жалғастырылады.

9. Үйде тәрбиеленудің немесе оқытылудың қажеттігін зерделеу, сондай-ақ мүгедектігін қайталап анықтауға байланысты белгіленген мерзімде дәлелсіз себептермен балаларын ПМПКК-нан немесе МӘСК-нан өткізбеген отбасыларына материалдық көмекті төлеу тиісті құжаттарды қайта тапсырған айдан жалғастырылады.

10. Материалдық көмекті алуды тоқтатуға себеп болатын жағдайлар туралы алушы он күн ішінде тиісті еңбек, жұмыспен қамту және халықты әлеуметтік қорғау органдарына хабарлауға міндетті.

11. Артық төленген материалдық көмек сомалары, артық төлеуге кінәлі адамдар есебінен заңдармен белгіленген тәртіп бойынша бюджетке қайтарылуға жатады. Материалдық көмекті қаржыландыру және төлеу

12. Материалдық көмекті төлеу облыс бюджетінде осы мақсатқа қаралған қаражат есебінен жүргізіледі.

13. Еңбек, жұмыспен қамту және халықты әлеуметтік қорғау органдары ай сайын әр айдың 5-ші жұлдызына дейін өткен ай үшін материалдық көмек алушылардың саны мен оларға төленетін көмек сомасын анықтап, көмек алушылар тізімін жасақтайды, оны материалдық көмекті төлейтін екінші деңгейдегі банкке тапсырады, сондай-ақ материалдық көмекті төлеуге қажетті қаражатқа еңбек, жұмыспен қамту және халықты әлеуметтік қорғау департаментіне (бұдан әрі департамент) сұраныс жолдайды.

14. Департамент түскен сұраныстарды жинақтап облыс бойынша материалдық көмек төлеуге қажетті қаражатқа әр айдың 10 жұлдызына дейін облыстық қаржы басқармасына сұраныс жолдайды.

15. Облыстық қаржы басқармасы еңбек, жұмыспен қамту және халықты әлеуметтік қорғау департаментінің сұранысы бойынша осы мақсатқа қаралған қаражат есебінен материалдық көмекті төлеуге және материалдық көмектерді төлейтін екінші деңгейдегі банктердің комиссиялық сыйақыларын төлеуге қаржы бөледі.

Департамент өзінің ағымдағы шотына түскен материалдық көмекті және оны төлеумен айналысатын банктердің комиссиялық сыйақыларын төлейтін қаражатты үш күн ішінде тиісті банктер шотына аударады.

16. Материалдық көмектерді еңбек, жұмыспен қамту және халықты

әлеуметтік қорғау органдарынан түскен тізімдер бойынша және департаментпен жасасқан агенттік келісімге сай екінші деңгейдегі банктер төлейді.

Есеп жүргізу және бақылау

17. Материалдық көмектерді тағайындау, төлеу және олардың есебін жүргізу еңбек, жұмыспен қамту және халықты әлеуметтік қорғау органдарына жүктеледі.

18. Еңбек, жұмыспен қамту және халықты әлеуметтік қорғау органдары әр тоқсанның бірінші айының 15 жұлдызына дейін өткен тоқсанда төленген материалдық көмектер бойынша оларды төлеумен шұғылданатын екінші деңгейдегі банктермен салыстырмалы акт жасайды, және оны тиісті органдарға т а п с ы р а д ы .

19. Материалдық көмекті төлеуге бөлінген қаражаттың мақсатты жұмсалуды және уақытылы төленуін бақылауды уәкілетті органдар жүзеге асырады.

Маман: Ержанова К.С.